



2025/90887

7.11.2025

**Ceartúchán ar Chinneadh Uimh. 2/2025 ón gComhchoiste AE-TCI an 19 Meán Fómhair 2025 a mhéid a bhaineann leis na leasuithe ar Fhoscríbhinní III agus IIIa a ghabhann leis an gCoinbhinsiún maidir le nós imeachta comhchoiteann um earraí faoi bhealach maidir le haontachas Mhontainéagró [2025/2201]**

(Iris Oifigiúil an Aontais Eorpaigh L, 2025/2201, 29 Deireadh Fómhair 2025)

Cuirtear an méid seo a leanas in ionad théacs Chinneadh Uimh. 2/2025:

**'CINNEADH UIMH. 2/2025 ÓN gCOMHCHOISTE AE-TCI**

**an 19 Meán Fómhair 2025**

**a mhéid a bhaineann leis na leasuithe ar Fhoscríbhinní III agus IIIa a ghabhann leis an gCoinbhinsiún maidir le nós imeachta comhchoiteann um earraí faoi bhealach maidir le haontachas Mhontainéagró [2025/2201]**

TÁ AN COMHCHOISTE AE-TCI,

Ag féachaint don Choinbhinsiún maidir le nós imeachta comhchoiteann um earraí faoi bhealach, agus go háirithe Airteagal 15(3), pointe (a), de,

De bharr an mhéid seo a leanas:

- (1) Chuir Montainéagró in iúl gur mian leis aontú don Choinbhinsiún maidir le nós imeachta comhchoiteann um earraí faoi bhealach ('an Coinbhinsiún') agus iarradh air é sin a dhéanamh tar éis Chinneadh Uimh. 1/2025 an 19 Meán Fómhair 2025 ón gComhchoiste a bunaíodh leis an gCoinbhinsiún.
- (2) Dá réir sin, ba cheart na leaganacha Montainéigrise de na tagairtí a úsáidtear sa Choinbhinsiún a chur isteach sa Choinbhinsiún san ord iomchuí.
- (3) Ba cheart cur i bhfeidhm an Chinnidh seo a nascadh le dáta aontachais Mhontainéagró leis an gCoinbhinsiún.
- (4) Maidir le húsáid foirmeacha ráthaíochta arna gcló i gcomhréir leis na critéir a bhí i bhfeidhm roimh dháta aontachais Mhontainéagró, chun an úsáid sin a cheadú, ba cheart idirthréimhse a bhunú ina bhféadfaí leanúint de na foirmeacha clóite a úsáid, maille le roinnt oiriúnuithe.
- (5) Ba cheart an Coinbhinsiún a leasú dá réir,

TAR ÉIS AN CINNEADH SEO A GHLACADH:

*Airteagal 1*

Foscríbhinní III agus IIIa a ghabhann leis an gCoinbhinsiún maidir le nós imeachta comhchoiteann um earraí faoi bhealach, leasaítear iad mar a leanas amach san Iarscríbhinn a ghabhann leis an gCinneadh seo.

*Airteagal 2*

1. Beidh feidhm ag an gCinneadh seo ón dáta a dhéanfar páirtí conarthach sa Choinbhinsiún de Mhontainéagró.
2. Na foirmeacha atá bunaithe ar na foirmeacha samplacha in Iarscríbhinní C1, C2, C4, C5 agus C6 a ghabhann le Foscríbhinn III a bheidh i bhfeidhm an 30 Meán Fómhair 2025, féadfar leanúint dá n-úsáid faoi réir na n-oiriúnuithe geografacha is gá agus faoi réir na n-oiriúnuithe a bhaineann leis an seoladh le haghaidh seirbheála nó leis an ngníomhaire údaráithe, go dtí an 31 Nollaig 2026.

Arna dhéanamh i mBeirn, an 19 Meán Fómhair 2025.

Thar ceann an Chomhchoiste AE-CTC

An tUachtarán

Marco BENZ

## IARSCRÍBHINN

1. Leasaítear Foscríbhinn III a ghabhann leis an gCoinbhinsiún mar a leanas:

- (a) cuirtear an méid seo a leanas in ionad Iarscríbhinn C1:

## IARSCRÍBHINN C1

## GEALLTANAS AN RÁTHÓRA – RÁTHAÍOCHT AONAIR

## I. Gealltanais ón ráthóir

1. An duine/na daoine thíos-sínithe <sup>(1)</sup>

.....  
 .....

a chónaíonn i/in/sa/san <sup>(2)</sup>

.....  
 .....

ráthaíonn sé/siad leis seo, i gcomhpháirt agus go leithleach, in oifig custaim na ráthaíochta

.....  
 .....

ráthaíocht suas le huasmhéid de .....  
 i bhfabhar an Aontais Eorpaigh (ina bhfuil Ríocht na Beilge, Poblacht na Bulgáire, Poblacht na Seice, Ríocht na Danmhairge, Poblacht Chónaidhme na Gearmáine, Poblacht na hEastóine, an Phoblacht Heilléanach, Poblacht na Cróite, Ríocht na Spáinne, Poblacht na Fraince, Éire, Poblacht na hIodáile, Poblacht na Cipire, Poblacht na Laitvia, Poblacht na Liotuáine, Ard-Diúcacht Lucsamburg, an Ungáir, Poblacht Mhálta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, an Rómáin, Poblacht na Slóivéine, Poblacht na Slóvaice, Poblacht na Fionlainne, Ríocht na Sualainne) agus na Seoirsia, Phoblacht na hÍoslainne, Mhontainéagró, Phoblacht na Macadóine Thuaidh, Ríocht na hIorua, Phoblacht na Seirbia, Chónaidhm na hEilvéise, Phoblacht na Tuirce, na hÚcráine, Ríocht Aontaithe na Breataine Móire agus Thuaisceart Éireann <sup>(3)</sup> <sup>(4)</sup>, Phrionsacht Andóra agus Phoblacht San Mairíne <sup>(5)</sup>, aon mhéid ar ina leith atá an duine a thugann an ráthaíocht seo <sup>(6)</sup>:

.....

d'fhéadfadh sé a bheith faoi dhliteanas nó d'fhéadfadh sé teacht i gceist go mbeadh sé faoi dhliteanas ag na tíortha thuasluaite i leith fiach i bhfoirm dleachta agus muirear eile <sup>(7)</sup> i ndáil leis na hearraí a thuairiscítear thíos agus a chumhdaítear leis an oibríocht chustaim seo a leanas <sup>(8)</sup>:

.....  
 .....

Tuairisc ar na hearraí

.....  
 .....

2. Geallann an duine/na daoine thíos-sínithe go n-íocfaidh sé/siad an tsuim a iarrtar ar an gcéad iarratas i scríbhinn ó údarais inniúla na dtíortha dá dtagraítear i bpointe 1 agus é/iad gan a bheith in ann an íocaíocht a chur siar thar thréimhse 30 lá ó dháta an iarratais, mura rud é go suífidh sé/siad nó aon duine eile lena mbaineann roimh dhul in éag na tréimhse sin, chun sástacht na n-údarás custaim, gur urscaoileadh an nós imeachta speisialta seachas an nós imeachta úsáide deiridh, go bhfuil deireadh ceart curtha leis an maoirseacht custaim ar earraí úsáide deiridh nó leis an stóráil shealadach nó, i gcás oibríochtaí seachas nósanna imeachta speisialta agus stóráil shealadach, gur tugadh staid na n-earraí chun rialtachta.

Arna iarraidh sin don duine/do na daoine thíos-sínithe agus ar aon chúis a aithnítear a bheith bailí, féadfaidh na húdaráis inniúla an tréimhse ar laistigh di a bhfuil sé d'oibleagáid air/orthu na suimeanna arna n-iarraidh a íoc a chur siar thar thréimhse 30 lá ón dáta ar a ndéantar iarratas ar íocaíocht. Na costais arna dtabhú mar thoradh ar an tréimhse bhreise sin a dheonú, go háirithe aon ús, ní mór iad a ríomh ionas go mbeidh an méid coibhéiseach leis an méid a mhuirearófaí in imthosca den chineál céanna ar an margadh airgid nó ar an margadh airgeadais sa tír lena mbaineann.

3. Beidh an gealltanais sin bailí ón lá a fhorghaisteadh oifig custaim na ráthaíochta é. Leanfaidh an duine/na daoine thíos-sínithe de bheith faoi dhliteanas aon fhiach a íoc ar fiach é a tabhaíodh le linn na hoibríochta custaim a chumhdaítear leis an ngealltanais sin agus a tosaíodh sular tháinig aon chúilghairm nó aon chealú ar an ráthaíocht i bhfeidhm, fiú má dhéantar an t-éileamh ar íocaíocht tar éis an dáta sin.
4. Chun críche an ghealltanais seo, tugann an duine/na daoine thíos-sínithe a sheoladh/a seoltaí le haghaidh seirbhéala <sup>(9)</sup> i ngach ceann de na tíortha eile dá dtagraítear i bpointe 1 mar a leanas:

| Tír | Sloinne agus céadainmneacha, nó ainm an ghnóilachta, agus seoladh iomlán |
|-----|--------------------------------------------------------------------------|
|     |                                                                          |
|     |                                                                          |
|     |                                                                          |
|     |                                                                          |
|     |                                                                          |
|     |                                                                          |
|     |                                                                          |
|     |                                                                          |

Maidir leis an gcomhfhreagras agus leis na fógraí go léir agus le haon fhoirmiúlacht nó nós imeachta a bhaineann leis an ngealltanais sin a dhíreofar chuig ceann dá s(h)eoltaí le haghaidh seirbhéala, nó a dhéanfar i scríbhinn ag ceann dá s(h)eoltaí le haghaidh seirbhéala, aithníonn an duine/na daoine thíos-sínithe go nglacfar leis na nithe sin mar nithe arna seachadadh chuige go cuí.

Aithníonn an duine/na daoine thíos-sínithe dlínse chúirteanna na n-áiteanna ina bhfuil seoladh seirbhéala aige/acu.

Geallann an duine/na daoine thíos-sínithe gan a sheoladh/a seoltaí le haghaidh seirbhéala a athrú nó, má bhíonn air/orthu ceann amháin nó níos mó de na seoltaí sin a athrú, oifig custaim na ráthaíochta a chur ar an eolas roimh ré.

Arna dhéanamh .....an .....

(Síníú) <sup>(10)</sup>

## II. Formheas oifig custaim na ráthaíochta

Oifig custaim na ráthaíochta .....

.....

.....

Gealltanais an ráthóra arna fhorghaisteadh an ..... chun an oibríocht chustaim a chumhdach ar oibríocht chustaim í a rinneadh faoi dhearbhu custaim/dearbhu stórála sealadaí Uimh. .... an <sup>(11)</sup>

.....

(Stampa agus Síníú)

Nótaí:

<sup>(1)</sup> Sloinne agus céadainm nó ainm an ghnóilachta.

<sup>(2)</sup> Seoladh iomlán.

- (3) De bhun an Phrótacail maidir le hÉirinn/Tuaisceart Éireann a ghabhann leis an gComhaontú maidir le Ríocht Aontaithe na Breataine Móire agus Thuaisceart Éireann a bheith ag tarraingt siar as an Aontas Eorpach agus as an gComhphobal Eorpach do Fhuinneamh Adamhach, is mar chuid den Aontas Eorpach atá Tuaisceart Éireann le meas chun críoch na ráthaíochta seo. Dá bhrí sin, ráthóir atá bunaithe i limistéar custaim an Aontais Eorpaigh, cuirfidh sé seoladh le haghaidh seirbheála in iúl, nó ceapfaidh sé gníomhaire i dTuaisceart Éireann más féidir an ráthaíocht a úsáid ann. Má bhailíochtáítear ráthaíocht san Aontas Eorpach agus sa Ríocht Aontaithe i gcomhthéacs na n-idirthuras comhchoiteann, áfach, ba leor aon seoladh amháin le haghaidh seirbheála nó gníomhaire ceaptha sa Ríocht Aontaithe le gach cuid den Ríocht Aontaithe a chumhdach, lena n-áirítear Tuaisceart Éireann.
- (4) Scrios ainm/ainmneacha an Stáit/na Stát nach bhféadfar an ráthaíocht a úsáid ar a chríoch/a gcríocha.
- (5) Ní bheidh feidhm ag na tagairtí do Phrionsacht Andóra agus do Phoblacht San Mairíne ach amháin maidir le hoibríochtaí idirthurais an Aontais.
- (6) Sloinne agus céadainm, nó ainm an ghnóilachta agus seoladh iomlán an duine a thugann an ráthaíocht.
- (7) Infheidhme maidir leis na muirir eile atá dlite i ndáil le hallmhairiú nó le honnmhairiú na n-earraí i gcás ina n-úsáidtear an ráthaíocht chun earraí a chur faoi nós imeachta idirthurais an Aontais/faoi nós imeachta comhchoiteann um earraí faoi bhealach, nó i gcás ina bhféadfar í a úsáid i níos mó ná Ballstát amháin.
- (8) Iontráil ceann de na hoibríochtaí custaim seo a leanas (NB: is san Aontas amháin atá feidhm ag nósanna imeachta seachas an nós imeachta comhchoiteann um earraí faoi bhealach):
- (a) stóráil shealadach,
  - (b) Nós imeachta idirthurais an Aontais/nós imeachta comhchoiteann idirthurais,
  - (c) nós imeachta stórasaithe custaim,
  - (d) nós imeachta um chead isteach sealadach lena ngabhann faoiseamh iomlán ó dhleacht ar allmhairí,
  - (e) nós próiseáil isteach,
  - (f) nós imeachta úsáide deiridh,
  - (g) scaoileadh i saorchúrsaíocht faoi ghnáthdhearbhú custaim gan íocaíocht iarchurtha,
  - (h) scaoileadh i saorchúrsaíocht faoi ghnáthdhearbhú custaim le híocaíocht iarchurtha,
  - (i) scaoileadh i saorchúrsaíocht faoi dhearbhu custaim arna thaisceadh i gcomhréir le hAirteagal 166 de Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais,
  - (j) scaoileadh i saorchúrsaíocht faoi dhearbhu custaim arna thaisceadh i gcomhréir le hAirteagal 182 de Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais,
  - (k) nós imeachta um chead isteach sealadach lena ngabhann faoiseamh páirteach ó dhleacht ar allmhairí,
  - (l) más oibríocht eile é – sonraigh an cineál oibríochta eile.
- (9) Más rud é, i ndlí na tíre, nach bhfuil aon fhoráil ann maidir le seoladh le haghaidh seirbheála, ceapfaidh an ráthóir, sa tír sin, gníomhaire atá údaraithe aon chumarsáid a dhíreofar chuige a fháil agus ní mór an dearbhú sa dara fómhír agus an gealltanas sa cheathrú fómhír de phointe 4 a dhéanamh chun freagairt don chumarsáid. Beidh dlínse ag cúirteanna na n-áiteanna ina bhfuil seoltaí seirbheála an ráthóra nó a ghníomhairí suite i ndíospóidí a bhaineann leis an ráthaíocht sin.
- (10) Ní mór don duine a shíníonn an doiciméad an méid seo a leanas a chur isteach de láimh roimh a shíniú: 'Ráthaíocht do mhéid ...' (an méid á scríobh amach i litreacha)
- (11) Le comhlánú ag an oifig inar cuireadh na hearraí faoin nós imeachta nó ina raibh siad á stóráil go sealadach.;

- (b) cuirtear an méid seo a leanas in ionad Iarscríbhinn C2:

‘IARSCRÍBHINN C2

**GEALLTANAS AN RÁTHÓRA – RÁTHÁÍOCHT AONAIR I bhFOIRM DEARBHÁN**

**I. Gealltanais ón ráthóir**

**1. An duine/na daoine thíos-sínithe <sup>(1)</sup>**

.....  
 .....

a chónaíonn i/in/sa/san <sup>(2)</sup>

.....  
 .....

ráthaíonn sé/siad leis seo, i gcomhpháirt agus go leithleach, in oifig custaim na rátháíochta

.....  
 .....

i bhfabhar an Aontais Eorpaigh (ina bhfuil Ríocht na Beilge, Poblacht na Bulgáire, Poblacht na Seice, Ríocht na Danmhairge, Poblacht Chónaidhme na Gearmáine, Poblacht na hEastóine, an Phoblacht Heilléanach, Poblacht na Cróite, Ríocht na Spáinne, Poblacht na Fraince, Éire, Poblacht na hIodáile, Poblacht na Cipire, Poblacht na Laitvia, Poblacht na Liotuáine, Ard-Diúcacht Lucsamburg, Poblacht na hUngáire, Poblacht Mhálta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, an Rómáin, Poblacht na Slóivéine, Poblacht na Slóvaice, Poblacht na Fionlainne, Ríocht na Sualainne) agus na Seoirsia, Phoblacht na hÍoslainne, Mhontainéagró, Phoblacht na Macadóine Thuaidh, Ríocht na hIorua, Phoblacht na Seirbia, Chónaidhm na hEilvéise, Phoblacht na Tuirce, na hÚcráine, Ríocht Aontaithe na Breataine Móire agus Thuaisceart Éireann <sup>(3)</sup>, Phrionsacht Andóra agus Phoblacht San Mairíne <sup>(4)</sup>, aon mhéid ar ina leith a d'fhéadfadh an duine/na daoine a thugann an rátháíocht seo bheith faoi dhliteanas ina leith nó d'fhéadfadh sé teacht i gceist go mbeadh sé/siad faoi dhliteanas ina leith ag na tíortha thuasluaite maidir fiach i bhfoirm dleachta agus muirear eile atá dlite i dtaca le hallmhairiú nó onnmhairiú na n-earraí a cuireadh faoi nós imeachta idirthurais an Chomhphobail/faoin nós imeachta comhchoiteann maidir le hearraí faoi bhealach, agus ar ina leith a gheall an duine/na daoine thíos-sínithe dearbhán rátháíochta aonair a eisiúint, suas le híoslíon EUR 10 000 in aghaidh an dearbháin.

**2. Geallann an duine/na daoine thíos-sínithe go n-íocfaidh sé/siad an tsuim a iarrtar ar an gcéad iarratas i scríbhinn ó údarais inniúla na dtíortha dá dtagraítear i bpointe 1 agus é/iad gan a bheith in ann an íocaíocht a chur siar thar thréimhse 30 lá ó dháta an iarratais, na suimeanna a iarradh, suas le EUR 10 000 in aghaidh an dearbháin rátháíochta aonair, mura rud é go suífidh sé/siad nó aon duine eile lena mbaineann roimh dhul in éag na thréimhse sin, chun sástacht na n-údarás custaim, gur urscaoileadh an oibríocht.**

Arna iarraidh sin don duine/do na daoine thíos-sínithe agus ar aon chúis a aithnítear a bheith bailí, féadfaidh na húdarais inniúla an tréimhse ar laistigh di a bhfuil sé d'oibleagáid air/orthu na suimeanna arna n-iarraidh a íoc a chur siar thar thréimhse 30 lá ón dáta ar a dhéantar iarratas ar íocaíocht. Na costais arna dtabhuí mar thoradh ar an tréimhse bhreise sin a dheonú, go háirithe aon ús, ní mór iad a ríomh ionas go mbeidh an méid coibhéiseach leis an méid a mhuirearófaí in imthosca den chineál céanna ar an margadh airgid nó ar an margadh airgeadais sa tír lena mbaineann.

**3. Beidh an gealltanais sin bailí ón lá a fhorghníthe oifig custaim na rátháíochta é. Leanfaidh an duine/na daoine thíos-sínithe de bheith faoi dhliteanas aon fhiach a íoc a tabhaíodh le linn na hoibríochta maidir le nós imeachta comhchoiteann nó na hoibríochta Aontais a chumhdaítear leis an ngealltanais sin agus a tosáíodh sular tháinig aon chúilghairm nó aon chealú ar an rátháíocht i bhfeidhm, fiú má dhéantar an t-éileamh ar íocaíocht tar éis an dáta sin.**

4. Chun críche an ghealltanais seo, tugann an duine/na daoine thíos-sínithe a sheoladh/a seoltaí le haghaidh seirbheála <sup>(5)</sup> i ngach ceann de na tíortha eile dá dtagraítear i bpointe 1 mar a leanas:

| Tír | Sloinne agus céadainmneacha, nó ainm an ghnólachta, agus seoladh iomlán |
|-----|-------------------------------------------------------------------------|
|     |                                                                         |
|     |                                                                         |
|     |                                                                         |
|     |                                                                         |
|     |                                                                         |
|     |                                                                         |
|     |                                                                         |
|     |                                                                         |

Maidir leis an gcomhfhreagrú agus leis na fógraí go léir agus le haon fhoirmiúlacht nó nós imeachta a bhaineann leis an ngealltanas sin a dhéanfar chuig ceann dá s(h)eoltaí le haghaidh seirbheála, nó a dhéanfar i scríbhinn ag ceann dá s(h)eoltaí le haghaidh seirbheála, aithníonn an duine/na daoine thíos-sínithe go nglacfar leis na nithe sin mar nithe arna seachadadh chuige go cuí.

Aithníonn an duine/na daoine thíos-sínithe dlínse chúirteanna na n-áiteanna ina bhfuil seoladh seirbheála aige/acu.

Geallann an duine/na daoine thíos-sínithe gan a sheoladh/a seoltaí le haghaidh seirbheála a athrú nó, má bhíonn air/ orthu ceann amháin nó níos mó de na seoltaí sin a athrú, oifig custaim na ráthaíochta a chur ar an eolas roimh ré.

Arna dhéanamh i/in/sa/san .....  
 an .....  
 .....

(Síniú) <sup>(6)</sup>

## II. Formheas oifig custaim na ráthaíochta

Oifig custaim na ráthaíochta

.....  
 .....

Gealltanas an ráthóra arna fhormheas an .....  
 .....

(Stampa agus Síniú)

Nótaí:

<sup>(1)</sup> Sloinne agus céadainm nó ainm an ghnólachta

<sup>(2)</sup> Seoladh iomlán

<sup>(3)</sup> De bhun an Phrótacail maidir le hÉirinn/Tuaisceart Éireann a ghabhann leis an gComhaontú maidir le Ríocht Aontaithe na Breataine Móire agus Thuaisceart Éireann a bheith ag tarraingt siar as an Aontas Eorpach agus as an gComhphobal Eorpach do Fhuinneamh Adamhach, is mar chuid den Aontas Eorpach atá Tuaisceart Éireann le meas chun críoch na ráthaíochta seo. Dá bhrí sin, ráthóir atá bunaithe i limistéar custaim an Aontais Eorpaigh, cuirfidh sé seoladh le haghaidh seirbheála in iúl, nó ceapfaidh sé gníomhaire i dTuaisceart Éireann más féidir an ráthaíocht a úsáid ann. Má bhailíochtaítear ráthaíocht san Aontas Eorpach agus sa Ríocht Aontaithe i gcomhthéacs na n-idirthuras comhchoiteann, áfach, ba leor aon seoladh amháin le haghaidh seirbheála nó gníomhaire ceaptha sa Ríocht Aontaithe le gach cuid den Ríocht Aontaithe a chumhdach, lena n-áirítear Tuaisceart Éireann.

<sup>(4)</sup> Ní bheidh feidhm ag na tagairtí do Phrionsacht Andóra agus do Phoblacht San Mairíne ach amháin maidir le hoibríochtaí idirthurais an Aontais

- <sup>(5)</sup> Más rud é, i ndlí na tíre, nach bhfuil aon fhoráil ann maidir le seoladh le haghaidh seirbheála, ceapfaidh an ráthóir, sa tír sin, gníomhaire atá údaraithe aon chumarsáid a dhíreofar chuige a fháil agus ní mór an dearbhú sa dara fomhír agus an gealltanais sa cheathrú fomhír de phointe 4 a dhéanamh chun freagairt don chumarsáid. Beidh dlínse ag cúirteanna na n-áiteanna ina bhfuil seoltaí seirbheála an ráthóra nó a ghníomhairí suite i ndíospóidí a bhaineann leis an ráthaíocht sin.
- <sup>(6)</sup> Ní mór an méid seo a leanas a chur roimh an síniú i lámhscríbhneoireacht an tsínitheora féin: 'Bailí mar dhearbhan ráthaíochta'.
- (c) cuirtear an méid seo a leanas in ionad Iarscríbhinn C4:

‘IARSCRÍBHINN C4

**GEALLTANAS AN RÁTHÓRA – RÁTHAÍOCHT CHUIMSITHEACH**

**I. Gealltanais ón ráthóir**

**1. An duine/na daoine thíos-sínithe <sup>(1)</sup>**

.....  
 .....

a chónaíonn i/in/sa/san <sup>(2)</sup>

.....  
 .....

ráthaíonn sé/siad leis seo, i gcomhpháirt agus go leithleach, in oifig custaim na ráthaíochta

.....  
 .....

i bhfabhar an Aontais Eorpaigh (ina bhfuil Ríocht na Beilge, Poblacht na Bulgáire, Poblacht na Seice, Ríocht na Danmhairge, Poblacht Chónaidhme na Gearmáine, Poblacht na hEastóine, Éire, an Phoblacht Heilléanach, Ríocht na Spáinne, Poblacht na Fraince, Poblacht na Cróite, Poblacht na hIodáile, Poblacht na Cipire, Poblacht na Laitvia, Poblacht na Liotuáine, Ard-Diúcacht Lucsamburg, an Ungáir, Poblacht Mhálta, Ríocht na hÍsiltíre, Poblacht na hOstaire, Poblacht na Polainne, Poblacht na Portaingéile, an Rómáin, Poblacht na Slóivéine, Poblacht na Slóvaice, Poblacht na Fionlainne, Ríocht na Sualainne) agus na Seoirsia, Phoblacht na hÍoslainne, Mhontainéagró, Phoblacht na Macadóine Thuaidh, Ríocht na hIorua, Phoblacht na Seirbia, Chónaidhm na hEilvéise, Phoblacht na Tuirce, na hÚcráine, Ríocht Aontaithe na Breataine Móire agus Thuaisceart Éireann <sup>(3)</sup> <sup>(4)</sup>, Phrionsacht Andóra agus Phoblacht San Mairíne <sup>(5)</sup>, aon mhéid d'fhéadfadh an duine a thugann an ráthaíocht seo <sup>(6)</sup>

.....  
 .....

a bheith faoi dhliteanas ina leith nó d'fhéadfadh sé teacht i gceist go mbeadh sé faoi dhliteanas ina leith ag na tíortha thuasluaite i leith fiach i bhfoirm dleachta agus muirear eile <sup>(7)</sup> a d'fhéadfaí a thabhtú nó a tabhaíodh i ndáil leis na hearraí a chumhdaítear leis na hoibríochtaí custaim a luaitear i bpointe 1a agus/nó i bpointe 1b.

Tá uasmhéid na ráthaíochta comhdhéanta de mhéid na nithe seo a leanas:

.....

- (a) beidh sé cothrom le 100/50/30 % <sup>(8)</sup> den chuid den mhéid tagartha a chomhfhreagraíonn do mhéid fiach custaim agus muirear eile a d'fhéadfaí a thabhtú, méid is coibhéiseach maidir le suim na méideanna a liostaítear i bpointe 1a,

agus

.....

- (b) beidh sé cothrom le 100/30 % <sup>(8)</sup> den chuid den mhéid tagartha a chomhfhreagraíonn do mhéid fiach custaim agus muirear eile a tabhaíodh, méid is coibhéiseach maidir le suim na méideanna a liostaítear i bpointe 1b,

- 1a. Is iad seo a leanas na méideanna atá sa chuid den mhéid tagartha a chomhfhreagraíonn do mhéid fiach custaim agus, i gcás inarb infheidhme, do mhuirir eile a d'fhéadfaí a thabhtú maidir le gach ceann de na cuspóirí atá liostaithe thíos <sup>(9)</sup>:
- (a) stóráil shealadach – .....
  - (b) Nós imeachta idirthurais an Aontais/ nós imeachta comhchoiteann um earraí faoi bhealach – .....
  - (c) nós imeachta stórasaithe custaim – .....
  - (d) nós imeachta um chead isteach sealadach lena ngabhann faoiseamh iomlán ó dhleacht ar allmhairí – .....
  - (e) próiseáil isteach – .....
  - (f) nós imeachta úsáide deiridh – .....
  - (g) más oibríocht eile é – sonraigh an cineál oibríochta eile – .....
- 1b. Is iad seo a leanas na méideanna atá sa chuid den mhéid tagartha a chomhfhreagraíonn do mhéid fiach custaim agus, i gcás inarb infheidhme, do mhuirir eile a tabhaíodh maidir le gach ceann de na cuspóirí atá liostaithe thíos <sup>(9)</sup>:
- (a) scaoileadh i saorchúrsaíocht faoi ghnáthdhearbhú custaim gan íocaíocht iarchurtha – .....
  - (b) scaoileadh i saorchúrsaíocht faoi ghnáthdhearbhú custaim agus íocaíocht iarchurtha ann – .....
  - (c) scaoileadh i saorchúrsaíocht faoi dhearbhu custaim arna thaisceadh i gcomhréir le hAirteagal 166 de Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais – .....
  - (d) scaoileadh i saorchúrsaíocht faoi dhearbhu custaim arna thaisceadh i gcomhréir le hAirteagal 182 de Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais – .....
  - (e) nós imeachta um chead isteach sealadach lena ngabhann faoiseamh páirteach ó dhleacht ar allmhairí – .....
  - (f) nós imeachta úsáide deiridh – .....<sup>(10)</sup>,
  - (g) más oibríocht eile é – sonraigh an cineál oibríochta eile – .....
2. Geallann an duine/na daoine thíos-sínithe go n-íocfaidh sé/siad an tsuim a iarrtar ar an gcéad iarratas i scríbhinn ó údarais inniúla na dtíortha dá dtagraítear i bpointe 1 agus é/iad gan a bheith in ann an íocaíocht a chur siar thar thréimhse 30 lá ó dháta an iarratais suas go dtí an uasmhéid thuasluaite, mura rud é go suífidh sé/siad nó aon duine eile lena mbaineann roimh dhul in éag na tréimhse sin, chun sástacht na n-údarás custaim, gur urscaoileadh an nós imeachta speisialta seachas an nós imeachta úsáide deiridh, go bhfuil deireadh ceart curtha leis an maoirseacht chustaim ar earraí úsáide deiridh nó leis an stóráil shealadach nó, i gcás na n-oibríochtaí seachas nósanna imeachta speisialta, gur tugadh staid na n-earraí chun rialtacha.
- Arna iarraidh sin don duine/do na daoine thíos-sínithe agus ar aon chúis a aithnítear a bheith bailí, féadfaidh na húdarais inniúla an tréimhse ar laistigh di a bhfuil sé d'ibleagáid air/orthu na suimeanna arna n-iarraidh a íoc a chur siar thar thréimhse 30 lá ón dáta ar a dhéantar iarratas ar íocaíocht. Na costais arna dtabhtú mar thoradh ar an tréimhse bhreise sin a dheonú, go háirithe aon ús, ní mór iad a ríomh ionas go mbeidh an méid coibhéiseach leis an méid a mhuirearófaí in imthosca den chineál céanna ar an margadh airgid nó ar an margadh airgeadais sa tír lena mbaineann.
- Ní fhéadfar an méid sin a laghdú le haon suim a íocadh cheana faoi théarmaí an ghealltanais seo mura n-iarrfar ar an duine/na daoine thíos-sínithe fiach a íoc a tabhaíodh le linn oibríocht chustaim a tosaíodh sula bhfuarthas an t-éileamh ar íocaíocht roimhe sin nó laistigh de 30 lá ina dhiaidh sin.
3. Beidh an gealltanais sin bailí ón lá a fhormheasfaidh oifig custaim na ráthaíochta é. Leanfaidh an duine/na daoine thíos-sínithe de bheith faoi dhliteanas aon fhiach a íoc a thiocfaidh chun cinn le linn na hoibríochta custaim a chumhdaítear leis an ngealltanais sin agus a tosaíodh sular tháinig aon chúlghairm nó aon chealú ar an ráthaíocht i bhfeidhm, fiú má dhéantar an t-éileamh ar íocaíocht tar éis an dáta sin.

4. Chun críche an ghealltanais seo, tugann an duine/na daoine thíos-sínithe a sheoladh/a seoltaí le haghaidh seirbheála <sup>(11)</sup> i ngach ceann de na tíortha eile dá dtagraítear i bpointe 1 mar a leanas:

| Tír | Sloinne agus céadainmneacha, nó ainm an ghnólaigh, agus seoladh iomlán |
|-----|------------------------------------------------------------------------|
|     |                                                                        |
|     |                                                                        |
|     |                                                                        |
|     |                                                                        |
|     |                                                                        |
|     |                                                                        |
|     |                                                                        |
|     |                                                                        |

Maidir leis an gcomhfhreagras agus leis na fógraí go léir agus le haon fhoirmiúlacht nó nós imeachta a bhaineann leis an ngealltanais sin a dhíreofar chuig ceann dá s(h)eoltaí le haghaidh seirbheála, nó a dhéanfar i scríbhinn ag ceann dá s(h)eoltaí le haghaidh seirbheála, aithníonn an duine/na daoine thíos-sínithe go nglacfar leis na nithe sin mar nithe arna seachadadh chuige go cuí.

Aithníonn an duine/na daoine thíos-sínithe dlínse chúirteanna na n-áiteanna ina bhfuil seoladh seirbheála aige/acu.

Geallann an duine/na daoine thíos-sínithe gan a sheoladh/a seoltaí le haghaidh seirbheála a athrú nó, má bhíonn air/orthu ceann amháin nó níos mó de na seoltaí sin a athrú, oifig custaim na ráthaíochta a chur ar an eolas roimh ré.

Arna dhéanamh i/in/sa/san .....  
 an .....  
 .....

(Síníú) <sup>(12)</sup>

## II. Formheas oifig custaim na ráthaíochta

Oifig custaim na ráthaíochta

.....  
 .....

Gealltanais an ráthóra arna ghlacadh an .....  
 .....

(Stampa agus Síníú)

Nótaí:

<sup>(1)</sup> Sloinne agus céadainm, nó ainm an ghnólaigh.

<sup>(2)</sup> Seoladh iomlán.

<sup>(3)</sup> De bhun an Phrótacail maidir le hÉirinn/Tuaisceart Éireann a ghabhann leis an gComhaontú maidir le Ríocht Aontaithe na Breataine Móire agus Thuaisceart Éireann a bheith ag tarraingt siar as an Aontas Eorpach agus as an gComhphobal Eorpach do Fhuinneamh Adamhach, is mar chuid den Aontas Eorpach atá Tuaisceart Éireann le meas chun críoch na ráthaíochta seo. Dá bhrí sin, ráthóir atá bunaithe i limistéar custaim an Aontais Eorpaigh, cuirfidh sé seoladh le haghaidh seirbheála in iúl, nó ceapfaidh sé gníomhaire i dTuaisceart Éireann más féidir an ráthaíocht a úsáid ann. Má bhailíochtaítear ráthaíocht san Aontas Eorpach agus sa Ríocht Aontaithe i gcomhthéacs na n-idirthuras comhchoiteann, áfach, ba leor aon seoladh amháin le haghaidh seirbheála nó gníomhaire ceaptha sa Ríocht Aontaithe le gach cuid den Ríocht Aontaithe a chumhdach, lena n-áirítear Tuaisceart Éireann.

<sup>(4)</sup> Scrios ainm/ainmneacha na tíre/na dtíortha nach bhféadfar an ráthaíocht a úsáid ar a críoch/a gcríocha.

- (5) Ní bheidh feidhm ag na tagairtí do Phrionsacht Andóra agus do Phoblacht San Mairíne ach amháin maidir le hoibríochtaí idirthurais an Aontais.
- (6) Sloinne agus céadainm, nó ainm an ghnóilachta, agus seoladh iomlán an duine a thugann an ráthaíocht.
- (7) Infheidhme maidir leis na muirir eile atá dlite i ndáil le hallmhairiú nó le honnmhairiú na n-earraí i gcás ina n-úsáidtear an ráthaíocht chun earraí a chur faoi nós imeachta idirthurais an Aontais/faoi nós imeachta comhchoiteann um earraí faoi bhealach nó i gcás ina bhféadfáir í a úsáid i níos mó ná Ballstát amháin nó níos mó ná Páirtí Conarthach amháin.
- (8) Scrios aon rud nach mbaineann le hábhar.
- (9) Is san Aontas amháin atá feidhm ag nósanna imeachta seachas an nós imeachta comhchoiteann maidir le hearraí faoi bhealach.
- (10) Le haghaidh méideanna arna ndearbhú i ndearbhú custaim don nós imeachta úsáide deiridh.
- (11) Más rud é, i ndlí na tíre, nach bhfuil aon fhoráil ann maidir le seoladh le haghaidh seirbheála, ceapfaidh an ráthóir, sa tír sin, gníomhaire atá údaraithe aon chumarsáid a dhíreofar chuige a fháil agus ní mór an dearbhú sa dara fómhír agus an gealltanais sa cheathrú fómhír de phointe 4 a dhéanamh chun freagairt don chumarsáid. Beidh dlínse ag cúirteanna na háite ina bhfuil seoltaí seirbheála an ráthóra nó a ghníomhairí suite i ndíospóidí a bhaineann leis an ráthaíocht sin.
- (12) Ní mór don duine a shíníonn an doiciméad an méid seo a leanas a chur isteach de láimh roimh a shíniú: 'Ráthaíocht do mhéid ...' (an méid á scríobh amach i litreacha).';
2. In Iarscríbhinn C5, i mbosca 7, cuirtear an focal 'MONTAINÉAGRÓ' isteach idir na focail 'AN ÍOSLAINN' agus 'AN MHACADÓIN THUAIDH'.
3. In Iarscríbhinn C6, i mbosca 6, cuirtear an focal 'MONTAINÉAGRÓ' isteach idir na focail 'AN ÍOSLAINN' agus 'AN MHACADÓIN THUAIDH'.
4. I bhFoscríbhinn IIIa, leasaítear Teideal IV, Iarscríbhinn A1a mar a leanas:
- (a) Sa chuid 'N- pacáistíocht – 98200' den tábla, cuirtear an fhleasc seo a leanas isteach roimh MK:
- ‘— ME N pakovanje’;
- (b) Sa chuid 'Bailíocht theoranta – 99200' den tábla, cuirtear an fhleasc seo a leanas isteach roimh MK:
- ‘— ME Ograničena važnost’;
- (c) Sa chuid 'Tarscaoileadh – 99201' den tábla, cuirtear isteach an fhleasc seo a leanas roimh MK:
- ‘— ME Oslobođeno’;
- (d) Sa chuid 'Cruthúnas malartach – 99202' den tábla, cuirtear an fhleasc seo a leanas isteach roimh MK:
- ‘— ME Alternativni dokaz’;
- (e) Sa chuid 'Difríochtaí: oifig inar cuireadh earraí i láthair ... (ainm agus tír) – 99203' den tábla, cuirtear an fhleasc seo a leanas isteach roimh MK:
- ‘— ME Razlike: carinska ispostava u kojoj je roba podnesena ... (naziv i država)’;
- (f) Sa chuid 'Imeacht ó ..... faoi réir srianta nó muirear faoi Rialachán/Threoir/Chinneadh Uimh.... – 99204' den tábla, cuirtear an fhleasc seo a leanas roimh MK:
- ‘— ME Izlaz iz..... podliježe ograničenjima ili naplati troškova u skladu s Uredbom/Direktivom/Odlukom br. ...’;
- (g) Sa chuid 'Coinsíneoir údaraithe – 99206' den tábla, cuirtear an fhleasc seo a leanas isteach roimh MK:
- ‘— ME Ovlašćeni pošiljalac’;
- (h) Sa chuid 'Síniú tarscaoilte – 99207' den tábla, cuirtear an fhleasc seo a leanas isteach roimh MK:
- ‘— ME Oslobođeno potpisa’;

- (i) Sa chuid 'RÁTHAÍOCHT CHUIMSITHEACH THOIRMISCTHE – 99208' den tábla, cuirtear an fhleasc seo a leanas isteach roimh MK:  
'— ME ZABRANJENO ZAJEDNIČKO OBEZBJEĐENJE';
  - (j) Sa chuid 'ÚSÁID NEAMHSHRIANTA – 99209' den tábla, cuirtear an fhleasc seo a leanas isteach roimh MK:  
'— ME NEOGRANIČENA UPOTREBA';
  - (k) Sa chuid 'Eisithe go cúlgabhálach' – 99210' den tábla, cuirtear an fhleasc seo a leanas isteach roimh MK:  
'— ME Izdato naknadno';
  - (l) Sa chuid 'Éagsúil – 99211' den tábla, cuirtear an fhleasc seo a leanas isteach roimh MK:  
'— ME Razno';
  - (m) Sa chuid 'Bulc – 99212' den tábla, cuirtear isteach an fhleasc seo a leanas roimh MK:  
'— ME Rasuto';
  - (n) Sa chuid 'Coinsíneoir – 99213' den tábla, cuirtear an fhleasc seo a leanas isteach roimh MK:  
'— ME Pošiljalac.'
-